

Homes Zone, kovara  
nuh a Homes for  
Haringey ji bo kirêdar  
û xwedî-lease'an e.  
Ew dewsa Tenant Star  
digire.  
Em hêvî dikin ku hun ê  
jê hez bikin.

4 Nûçe

6 Desteya we

7 Banga we

8 Nişteci  
Lêkolîn:  
encam

10 Tevlêbûn

12 Rûpela Pam  
a probleman

û bêtir...

**£50**

Fîş  
li benda we ye  
binêrin rûpel 14

**Lêkolîna nişteci:  
We ji bo me çi got...**



Homes for Haringey

# Nameya Edîtor

## Bixêr hatin

bo kovara me ya nipînû bo nişteciyan. Me li ser ku divê xuyabûna kovarê çawa be û çîrokên ku hun dixwazin bibînin, nêrînên we jî li pêş çav girtine. Li ser daxwaza we em ê Homes Zone salê çar caran biweşînin, da ku li ser xebata Homes for Haringey nûçeyên dawî bigihînin we.

Têde bibînin ku li gora nişteciyên ku tev li lêkolîna me ya salane bûne em çî baş dikin û divê em çî çêtir bikin. Bibînin ku Michael Jones, serokê desteya birêvebirên Homes for Haringey çawa plan dike ku soza me ya xizmetên çêtir bicîh bîne. Û bibînin ku çima Martin Laheenê xwedî-lease difikire ku hêjayî tevlêbûna nişteciyan e.

Em hêvî dikin ku Homes Zone bi dilê we be. Heke hun difikirin ku em dikanin wê çêtir bikin, an jî dixwazin ku tev li panela xwendevanên me bibin, ji kerema xwe li navnîşana jorîn têkîlî çêbikin.

Rêz û silab, **Katie Matthews**, Edîtor

## Lêkolîna Nişteciyan:

[Alîkarîya me ya pêkanîna wêneyekî awayê performansa me bikin.](#)

Dawîya sala çûyî, firmayeke serbixwe ya lêkolîna marketê hevpeyvîn bi hejmarek nişteci re çêkir ku bibîne ku xizmetên ku em pêşkêş dikin bi dilê we ne an na. (Encaman li rûpel 8 bixwînin).

Lê belê, hikûmet bi hewes e ku bizanibe ku em pêwîstiyên gelê Haringey bicîh fînin an na û ku em li hemberî sazîyên wek xwe li seranserî welêt di çî derecê de ne.

Ji bo ku em bikanibin agahîya pêwîst pêşkêş bikin, divê em lêkolîneke din pêk bînin.

Di Hezîranê de, bi qasî 6000 nişteciyên bi korfelaqî ji bo tevlêbûnê hilbijartî dê bi postê pirsnameyekê bistînin. Heke hun hatibin hilbijartin, ji kerema xwe ji bo bersîvkirina pirsan demê veqefînin û formê bi şûn ve ji me re bişînin.

[Heke hun pirsnameyekê lêkolînê bistînin, ji kerema xwe pirsan bersîv bikin û formê li me vegeînin. Sipas.](#)

**salname**ya pêvekirî ji bo şopandina dayinên kirêya xwe bikar bînin – ji bo kitkitan li rûpel 5 binêrin.

### Em dixwazin ji we bibihîzin

Li ser Homes for Haringey tişteki ku hun bibêjin heye? Ji me re bibêjin.

Telefon: 020 8489 4487

Email: [communications@homesforharingey.org](mailto:communications@homesforharingey.org)

Binivîsin: Communications Team, Homes for Haringey, 13 - 27 Station Road, London N22 6UW

## Xaniyên Minasib

Divê Homes for Haringey ji bo pereyê zêde serî li hikûmetê bide ku heta 2010an xaniyan bîne standarda Xaniyên Minasib. Ango divê li hemû xaniyan metbax û serşokeke bi awayekî maqûl modern hebe, bi awayekî minasib bîne germkirin, û di rewşeke baş a tamîrê de bin.

Beî ku Hikûmet peran bide me, divê em îspat bikin ku em dikanin xizmeteke baş bidin we, mişteriyên xwe. Ango divê em rêjeyeke du stêrk ji Komîsyona Kontrola Hesaban bistînin.

Îsal di Sibatê de, me teffîşeke ceribandî dît; xuya bû ku hinek tişt çêtir dibin. Bêtir jêxweşbûna kirêdar û xwedî-lease, çêtir xwe gîhandîna xizmetan, û bêtir derfetên tevlêbûna nişteciyan di nav de bûn.

Lê belê şûnve agahîdayina teffîşê her weha xuya kir ku di hin qadan de çêtir kirin pêwîst in. Ji bo ku bêtir dema ji me re ji bo anîna hemû xizmetên me bo standarda du stêrk pêwîst bidin me, me teffîşa sereke ji Çileyê Pêşîn 2006 bo Bihara 2007an bi derengî xist. Ji bo ku em pereyê zêde yê ku ji bo em bernamaya xwe ya çêtir kirinê pêk bînin ji me re pêwîst e bistînin, divê em di vê teffîşê de du stêrkan bidest bixin.

## Bi Qasî Gepekê Homes for Haringey

Homes for Haringey nuha ji birêvebirina xaniyê we berpirsiyar e. Şaredariya Haringey hîn ji xwediyê xaniyan e û xwediyê xaniyê we ye.

Mîsyona me ji bo pêşkêşkirina xizmetên xaniyên bi kalîte û xaniyên minasib bi nişteciyan re xebat e.

Ji bo bêtir agahîya li ser Homes for Haringey, biçin [www.homesforharingey.org](http://www.homesforharingey.org)

## Civînên Desteya Birêvebir ji hemûyan re vekirî ne

Desteya Birêvebir a Homes for Haringey bi rêzdarî dicive. Hemû civîn ji gel re vekirî ne. Tarîxên civînan ji pêş ve di rojnameyên herêmî de û li websîteya me tên daxuyanî kirin: [www.homesforharingey.org](http://www.homesforharingey.org)

Ji bo bêtir agahîya bi Tîma Birêvebirîya Homes for Haringey re li 020 8489 1407 têkilî çêbikin.

## Xaniyên germtir bi mesrefê kêmtir ....

Em her sal bêtirî xezar xaniyan însûle dikin ku wan germtir û germkirinê erzantir bikin.

Nuha divê em bizanibin ku di pêşkêşkirina vê xizmetê de em çiqasî baş in. Ji me re bibêjin ku em çî baş dikin û em dikanin çî çêtir bikin.

Ji kerema xwe bi Gamini Jayasinghe re li 020 8489 1018 têkilî çêbikin.

[Gamini.Jayasinghe@homesforharingey.org](mailto:Gamini.Jayasinghe@homesforharingey.org)

**Heke hun li ser ku hun dikanin çawa alîkariya Homes for Haringey bikin, da ku xizmetên ku hun dixwazin pêşkêş bike, bêtir agahî dixwazin, ji kerema xwe li gel fîma Tevlêbûna Nişteci li 020 8489 4463 têkilî çêbikin, an bi email: [resident.involvement@homesforharingey.org](mailto:resident.involvement@homesforharingey.org)**

Hun dixwazin **websîteyan** seh bikin, lê komputereke we tune?  
Li pirtûkxaneya herêma xwe **Înternetê bêpere bikar bînin**

# Nûçe

## Sehkirinên ewlebûna gazê: bihêlin em têkevin hundir, an na hun ê mesrefên hiqûqî bidin

Dadgehê biryar da ku kirêdarek £400 mesrefên hiqûqî bide, ji ber ku nehiştibû ku li mala wê sehkirinên ewlebûna gazê yê jîyanî bèn pêkanîn.


Ji bo ku karê pêwîst bikin, mihendîsan çar randevû saz kiribûn, lê nikanîbûn têkevin xênî. Homes for Haringey mecbûr ma ku li gel dadgehê dozê li kirêdar veke.

Kirêdarê li rûniştina dadgehê got ku ew çend mehan li xênî nemaye û lawê wê name ji wê re neşandine. Wê dûre amadekarî kir ku mihendîs ji bo sehkirina gazê têkevin xênî; ji lew re wê carê pêwîst nebû ku Homes for Haringey bêtir tedbîrên hiqûqî bistîne. Lê belê heke bêtir tedbîrên hiqûqî pêwîst bibûya, dibû ku kirêdar bi bêtirî £1,000 mesrefan rûbirû bibûya.

Qanûn dibêje ku divê Homes for Haringey qet nebe salê carekê sehkirina ewlebûna gazê pêk bîne. Peymana we ya kirêdarîyê dibêje ku divê hun 'bihêlin ku em têkevin xênî da ku her sal sehkirinên ewlebûnê û her teftîşeke pêwîst bikin'.

Heke hun nameyeke bi randevûyeke ji bo hatina mihendîs bistinin, divê kesek li wir be ku wan têxe hundir, an jî divê hun telefon bikin û tarîxeke din veqefînin.

**Ji bo hemû kirêdarên şaredarîyê her sal sehkirina boiler bêpere ye û dikane jîyanan biparêze. Her sal li Brîtanya 50 mirov ji jahrdayî bûna karbon monoksîdê an jî teqînên ji ber pêwengên xerabe yê gazê dimirin.**



## Îzehkirina stêrkan

Şaredarîya Haringey sê stêrk hene. Homes for Haringey divê du stêrkan bidest bixe. Serê we tevlihev bû? Ne tenê yê we.

Her sal nahtorê Hikûmetê, Komîsyona Kontrola Hesaban hemû şaredarîyan teftîş dibe û ji her yekê re rêjeyeke stêrkan dide: stêrk tunebe, ew tê wateya performansa xerab û çar stêrk tê wê wateyê ku ew heta ku dibe baş in.

Daxuyanîya dawî ya ku sê stêrk dane Şaredarîya Haringey ji bo her kesî nûçeyê baş e. Ew tê wê wateyê ku şaredarî bi gîştî xizmeteke çêtir dide nişteciyan.

Di Bihara 2007an de, Komîsyona Kontrola Hesaban dê sehkirineke cûda li sazîya nuh a Arms Length Management Organisation (ALMO) a Homes for Haringey bike, ev sazî xanîyên şaredarîyê birêve dibe.

Ji bo bidestxistina pereyê zêde yê hikûmetê ku ji bo bicîhanîna bernameya me ya Xanîyên Minasib ji me re pêwîst e, divê Homes for Haringey qet nebe du stêrkan bidest bixe. Ji bo ku ev bicîh were em pir dixebitin.

Heke hun bêfir agahî dixwazin, ji kerema xwe li 020 8489 1407 bi me re têkilî çêbikin.



## Li dijî şêlên antî-sosyal biser ketin

Nişteciyan Lomond Close û Brunswick Road li South Tottenham li sîfeya xwe dizîya ereban û firotina narkofikan di nav de bi yelpazeyek şêlên antî-sosyal mijûl bûn.

Xebata wan a hêja ji wan re xelata Projeya Herî Baş a Ewlekarîya Civakê ji aliyê Şaredariya Haringey û xelateke Wezaretê Karên Hundir 'Li Hember Sekinîn' anîn.

Eric Cook, Sekreter û Qasedarê Komela Nişteciyan weha got: "Sîte nuha cîhekî xweştir ê lêmayinê ye. Ronahîkirina çêtirî û derîyên ewlekiyê cûdahîyeke rast li civakê çêkir. Bendên li kêleka parka ereban pêşî lê girt ku mirov lê bigerin û bi dengezarî, muzîk, avêtina gemarê û qûmarê nerehefîyan çêbikin."

"Li malê rûniştin û gazinên pirsgerêkan kirin bikêrî tiştêkî nayê; tenê rêyek heye ku meriv tiştan bide kirin, ew jî çalakkûn e."

Di dayîna xelatê de, Cllr Isidoros Diakides, endamê birêvebir ê daîra Xaniyan weha got: "Van kesên nişteci biryar dan ku li hember bisekinin û ji bo mafên xwe têkoşîn kirin. Herêma yekcar çêtir kirin."

## Mijarên Perwerda Kar!

Me li xwe girtiye ku nişteciyan teşwîk bikin ku tev lê bibin û li ser awayê ku em Homes for Haringey birêve dibin gotina xwe bikin.

Perwerda kar a rast dikane bibe alîkar ku zîrekî û zanîna we pêşde bikeve, da ku hun bikanibin di pêkanîna kirinên me de roleke mestir bilîzin.

Jêr-koma me ya nuh a Perwerda kar ji nişteciyan pêk hatiye û yek ji Karmendên me yê Tevlêbûna Nişteci dikane ji bo sehkirina pêwîstiyên we yê perwerdeyî û dîtinê awayên bersivkirina wan bibe alîkar.

Li gel Chris Bell, Karmendê Tevlêbûna Nişteci li 020 8489 4436 têkilî çê bikin, an jî email bo [chris.bell@homesforharingey.org](mailto:chris.bell@homesforharingey.org)

Me her weha dilxwazên bi hewes divê ku tev li Jêr-koma Perwerda kar bibin. Heke eleqa we li ser Perwerda Kar hebe û hun bixwazin zîrekîyên xwe û yê hevalên nişteci pêşde bixin, ji kerema xwe li gel Chris Bell (wek li jor) têkilî çêbikin.


## Karta Kirêya Xanî û Mesrefan

**Du ji sê kirêdaran Karta xwe ya Kirêya Xanî û Mesrefan bikar finin ku kirêya xwe bidin.** Hun dikarin ji bo dayîna kirêya xwe karta xwe li her cîhekî ku îşareta PayPoint, PAYzoneTM, E-Pay, an Post Office® lê ye bikar bînin.

Divê bi vê hejmara Homes Zone re ji bo we **salname**yeke ji bo şopandina **dayinên we** hebe. Heke we ew nesitendibe, û ku hun yekê dixwazin, ji kerema xwe li gel Tîma Hesabên Kirê li 020 8489 3449 têkilî çêbikin.



Eric Cook û Endamê Encumaenê Diakides di merasîma xelatan de



# Desteya we ya Birêvebir

## 60 saniye bi ... Michael Jones

Michael Jones yek ji pênc pisporên serbixwe yên di Desteya birêvebir a Homes for Haringey de ye. Vê nêzîkê wek serok hat tayînkirin.

### Mike, tu wek serokê Homes for Haringey hatiye hilbijartin. Şîrkeya nuh ê çî bike?

Homes for Haringey şîrkeyeke bi giştî aîdî Şaredariya Haringey e. Şaredariyê ji bo me du pêşaniyên sereke danîne. Ya yekê çêtirkirina xizmetên bo kirêdar û xwedî-lease'an e, da ku em bigihêjin standarda hikûmetê ya 'du stêrk'. Ya dudan, ku tenê heke em du stêrkan bisfinin wê pêk bê, dê di standarda Xaniyên Minasib a hikûmetê de çêtirkirina xaniyên kirêdaran be.

### Bidestxistina Xaniyên Minasib dê dawîya çîrokê be?

Na, ji bo çêtirkirina kalîteya jiyane bo kirêdar û xwedî-lease'ên li sîteyên me, gelek xebatên ku bînin kirin hene. Divê em bixebitin da ku sîte ewle bin, û ku em şelên anfi-sosyal tîk bibin. Lê belê aciziyên piçûk jî bandûrê li jiyana mirovan dikin, wek çareserkirina gemar, grafitî, û paqijîya sîteyên me jî dê girîng be.

### Rola niştecîyan di giştî wê de çî ye?

Em bi hewes in ku bi niştecîyan re bixebitin, û bibihîzin ku kirêdar dixwazin em çî bikin. Niştecî dikarin alîkariya me bikin ku standardan pêk bînin û tev li çavdêriya ku em xizmetan birêkûpêk dikin an na bibin. Civînen me ji gel re vekirî ne, û em bi hatina niştecîyan kêfxweş dibin.



# Endama Desteya Birêvebirîya me ya herî nuh

**Rosie Chapman** nuha Dîrektora Polîtika û Bibandûrbûnê ya Komîsyona Xêrxwaziyê ye.

Ew weha dibêje: "Ez ji 20 salan gelekî bêtir niştecîyên Haringey im. Ez bi rastî jî ji jiyana li vir hez dikim û dixwazim tecrube, zanîn û zîrekîyên xwe ji bo berjewendîya niştecîyan û herêma ku ez lê rûdinim bikar bînim – bi gotineke din tiştêkî bi şûn ve bidim."

Rosie tev li 16 endamên din ên Desteya Birêvebir dibe, ku di nav de heft niştecî hene û ji birêvebirina Homes for Haringey berpirsiyar in.

### Zelal kirin


Di hejmara dawîn a Tenant Star de me wisa nivîst: Krishna Sengupta (niştecî) beşdarî Komela Xwedî-Lease'an a Haringey dibe.

Ne fîma edîtor ne jî Mrs Sengupta qest kir ku pozîsyoneke wê ya fermî di vê sazîyê de heye.

Lê belê, Komela Xwedî-Lease'an a Haringey (HLA) dixwaze zelal bike ku her çi qas Mrs Sengupta tev li civînen HLA dibe jî, wek her xwedî-lease'ekî li navçeyê tê vexwendin ku tev lê bibe, ew ne nûnera HLA an xwedî-lease'ên di Desteya Birêvebir de ye, ne jî tu tîkîliya HLA bi hilbijartina wê bo Desteyê heye.

### Rast kirin

Tîma edîtor lêbofînê ji Jonathan Card, endamekî Desteya Birêvebirîya Homes for Haringey dixwaze. Di hejmara dawîn a Tenant Star de wêneyê ne rast hat bikaranîn. Wêneyê rast li vir e.



## Banga we

### Kirêdarek dipirse: 'Hemû beşdarîya kirêdaran bi ku ve diçe?'

Irene Barker tev li civînên Homes for Haringey ên pircûre dibe, lê belê his dike ku nêrîneke giştî li ser ku çi diqewime nasfîne.

"Hejmarek Panelên Tevlêbûna Nişteci hene, lê belê dema min tuneke ku tev li hemûyan bibim, ji lew re ez diçim ewên ku herî pir bala min dikişîne.

Wek encam, nêrîna min li ser ku li Homes for Haringey çi diqewime pir bi sînor e. Ez nizanim ku li hinek panelên din çi hatiye gotûbêj kirin. Îcar ez dikanim li ku bibînim ku li derên din çi diqewime? Hemû agahîya ku ji van koman tê li ku derê digihêje hev?

Ez his dikim ku divê nişteci li ser ku wek encama şewirdarîyê çi pêk hat bêtir agahî bi şûn ve bistfîne. Ewên ku tev li kom û panelan dibin divê his bikin ku dem, hewldan û nêrînen wan ji bo tiştên baş tînan bikaranîn.

Ez li gel im ku Homes for Haringey ji nişteciyan dipirse ku xizmet dikarin çawa bînin çêtirkin, lê belê divê em bizanibin ku tişt li derekê dicivin û ji bo rêberîya me ya pêşedemê tînan bikaranîn.

Homes for Haringey divê ji me re xuya bike ku em bi rastî pev re dixebitin – divê em bibînin ku tiştê erênî pêk tê."

### Bersîva Simon Godfrey, Menecerê Tevlêbûn û Komunîkasyonê, Homes for Haringey.

Irene mijareke pir baş bilêv dike. Gelek panelên nişteciyan, komelên nişteciyan, komên bikarhênerên taybetî û Foruma Şewirdarîya ya Nişteciyan hene, ji lew re em yekcar pir agahî didin hev.

Hun dikarin ji bo bidestxistina notan li ser internetê forma di beşa 'tev lê bibe' ya websîteya me de tije bikin, an têkilî li gel fîma me ya Tevlêbûna Nişteci li 020 8489 4463 çêbikin, an jî email bişînin: [resident.involvement@homesforharingey.org](mailto:resident.involvement@homesforharingey.org)

Bicîh bizanibin ku em agahîya ku hun ji bo alîkarîya çêtirkirina xizmetên me didin me li gora pêwîstiyên civaka herêmê bikar fînin. Em pêşketina ku em dikin di vê kovarê de û li websîteya xwe ji we re dibêjin.

### Em dixwazin ji we bibihîzin

Tiştê ku hun li ser Homes for Haringey bibêjin heye? Ji me re bibêjin.

Telefon: 020 8489 4487

Email: [communications@homesforharingey.org](mailto:communications@homesforharingey.org)

Binivîsin: Communications Team, Homes for Haringey,  
13 - 27 Station Road, London N22 6UW

Em mafê redakte kirina nivîs, name û emailên ku em ji bo weşandinê distînin diparêzin. Mixabin em nikanin garantî bikin ku em ê hemûyan biweşînin.

# Taybetmendî

## Lêkolîna Nişteci 2005/06

We ji bo me çî got ...

Em dixwazin bizanibin ku hun li ser xizmetên ku em pêşkêş dikin çî difikirin, ji lew re her sal em ji nimûneyek kirêdar û xwedî-lease'an dixwazin ku ji me re bibêjin.

Ji Mijdara 2005an heta Çileyê Paşîn 2006an, MRUK, şîrîkeyeke serbixwe a lêkolîna marketê li ser navê me lêkolînek pêk anî. Bi giştî bi 917 kirêdar û 400 xwedî-lease'an re hevpeyvîn çêkirin.

Hinek balkêşiyên ji lêkolînê ev in.

### Em pev re xebatê dikin

Sala çûyî, me derfetên bo tevlêbûna nişteciyan bo xebata Homes for Haringey zêde kirine. Lêkolînê dîyar kir ku ev guhertin bi dilê we ye.

%82ê kirêdaran û %63ê xwedî-lease'an his kir ku em haydarkirina wan ji tiştên ku dibê ku bandûrê li wan bikin baş birêve dibin.

Li dor du ji sisê nişteciyan ji derfetên tevlêbûna birêvebirîyê û biryarên li ser malên wan xweş in. %78ê kirêdaran û %67ê xwedî-lease'an belê kir ku nêrînên wan li pêş çav tî girtin.

Kesên ku hevpeyvîn pê re çêbûn, komelên nişteciyan, civînên sîteyan, panelên tamîran, gerên li sîteyan, panela tevlêbûna kirêdar û foruma xwedî-lease'an herî pir wek awayên îfadekirina nêrînên xwe jê haydar bûn.

Encam li gora sala çûyî çêtirkirinek e. Ev ji bo me nûçeyek baş e: ew xuya dike ku em li gotinên we guhdañî dikin û li gora wê tev digerin.

**Em dixwazin ku bêtir kirêdar û xwedî-lease tev lê bibin ku ji me re bibe alîkar ku em çêtirkirina xizmetên xwe bidomînin. Ji bo bêtir agahîya li ser çalakîyên ku em pêşkêş dikin, ji kerema xwe li gel fîma Tevlêbûna Nişteci têkilî çêbikin: 020 8489 4463.**

### Xizmetên tax û sîteya we

Piraniya kirêdar û xwedî-lease'an wek cîhekî lêmayinê ji taxa xwe xweş in (kirêdar %85, xwedî-lease %72).

Dema ku ji nişteciyan problemên li taxê hatin pirsîn, ew herî pir li ser gemar û avêtîyên li cadê bi fikar bûn (kirêdar %20, xwedî-lease %12), dûre parkkirin tê (kirêdar %12, xwedî-lease %23), û firotina narkotîkan (kirêdar %12, xwedî-lease %20).

Me bi kêfxweşî bihîst ku %75ê kirêdaran û ji %50yê xwedî-lease'an his dikir ku em bi erebên terikandî, graffî û vandalîzmê mijûl dibin.

Lêkolînê xuya kir ku nişteciyên ku xizmeteke konsîyerj distînin gelekî jê xweş in: %92ê kirêdaran, %74ê xwedî-lease'an xizmet bi giştî wek 'baş' nixandî, û bêtir ji %90ê nişteciyan karmend kibar û nazik dîtin. Xizmeta konsîyerj jî dibê alîkar ku serdanvanên nexwestî li derve bînin hiştin.

**%74**

ê xwedî-lease'an his kir ku helwesta me baş e

**%67**

ê xwedî-lease'an belê kir ku nêrînên nişteciyan li pêş çav tî girtin

**%74**

ê kirêdaran bi giştî ji xizmeta xwedîyê xanî xweş in



## Xizmeta Tamîran

Hiştina mala we di rewşeke baş a tamîrê de bi qasî we ji bo me jî girîng e.

Hema hema du ji sisê kirêdaran ji tamîrên ku em bi giştî pêşkêş dikin xweş in. Çenekî bêtirî sê ji çaran his kir ku xizmeta ku em pêşkêş dikin hêja ye pereyê xwe.

Bêtir ji %90ê kirêdaran û %74ê xwedî-lease'an got ku şêlên karkerên me baş in: hejmarên wek wan his kir ku gemar û tevlihevî herî kêmtên hiştin. Hema hema her kesî da zanîn ku beî ku dest bi xebatê bikin karkeran nasnameyên xwe raber kirine.

## Komunîkasyon

Me bi kêfxweşî dît ku bêtir ji %80ê nişteciyên ku jê hatiye pirsîn hejmara dawî ya Tenant Start hatiye bîra wan û ku %81ê kirêdaran ji kovarê xweş bûn. Em hêvî dikin ku hun ê ji Homes Zone bêtir jî hez bikin.

Bi rastî, piraniya we ji weşanên me xweş in, lê belê em ê ji bo çêtirkirina wan xebatê bidomînin.

Dema ku hun bi me re têkilî çêdikin, %84ê kirêdaran û %64ê xwedî-lease'an his dikin ku karmend bi kibarî û nazikî bi wan mijûl dibin. Bêtirî du ji sê kirêdaran û nivê xwedî-lease'ên hevpeyvînkirî got ku zanîn û alîkarîxwazîya karmendan 'baş' bûye.

# %84

ê kirêdaran kibarî û nazikîya karmendan wek 'baş' nirxand

# %92

kirêdaran xizmeta konsiyerj wek 'baş' nirxand

## Em ê encaman çî bikin

Bê guman, dîtina ku hun ji bo xizmetên ku em pêşkêş dikin çî difikirin bi me pir balkêş tê, lê belê sedema sereke ya ku me ev lêkolîn pêk anî ew bû ku ji me re bibe alîkar ku em bêtir tiştan li ser we, mişteriyên me fahm bikin, û bibînin ku divê em li ku çêtir bikin.

Em ê nuha agahîyê bikar bînin ku balê li ser tiştên ku divê em çêtir bikin kom bikin û ku ji me re bibe alîkar ku em xizmetên ku pêwîstiyên civaka herêmê bersîv bikin pêşkêş bikin.

Em ê li ser tiştên ku em dikin tim agahîya nûjen bidin we.



# Tevlêbûn

## Tev lê bûn – çîroka nişteciyekî

Martin Laheen çar sal berê di nav civata xwe de dest bi tevlêbûnê kir, wê gavê bihîstibû ku hinek cîranên wî plan dikir ku komeleke nişteciyan damezirîne.

Ew weha dibêje: “Ez berê tev li qet tiştêkî bi civakê têkildar nebûbûm, lê belê ev tiştêkî bû ku yekser bandûr li min dikir.

“Divê mirov li ser ku li dora wan çî diqewime berpirsiyarîyê hilgire. Bi tevlêbûnê îhtîmala sitendina xizmetên ku em dixwazin bêfir dibe.

“Nuha ez diçim gelek civînan. Ew pirê caran pir jîndar in û derfet bo herkesî çêdibe ku fikirên xwe bibêjin. Carinan mijarên ku em gotûbêj dikin ne pir bi heyecan in, lê belê ji bo rastkirina tiştan, ew pêwîst in.

“Dema ku ez tev li koma ‘Compact’ bûm, min bi rastî nizanîbû ku Compact çî ye. Nuha ez fahm dikim ku ew gişt li ser pêkanîna çend qaydeyan e – heke nişteci, şaredarî û Homes for Haringey ê wek fîmekê pev re xebatê bikin, ev girîng e.

“Dema ku em diqedînin, dokumenteke me çêdibe ku em gişt li ser li hev dikin û di pêşedemê de dikarin wek referans bikar bînin.

“Ez ji bo Homes for Haringey pir bi heyecan im û dixwazim ku ew bimeşe. Heke bêfir nişteci tev lê bibin, ew ê bibe alîkar ku sazî balê li ser tiştên ku ji bo civaka herêmê girîng in kom bike.”

Heke hun dixwazin tev lê bibin, lê nizanin ku ji kuderê dest pê bikin, têkîf li gel fîma Tevlêbûna Nişteci ya Homes for Haringey li 020 8489 4463 çêbikin, an jî email bişînin [resident.involvement@homesforharingey.org](mailto:resident.involvement@homesforharingey.org)

Xebat bi nişteciyan re da ku xizmetên xanî yên kalîte û xanîyên minasib bîn pêşkêşkin



## Rola Panela Fîransê ya Nişteciyan

Panela Fîransê ya Nişteciyan li mijarên fîransê û nîrx bo pere dinêre, û nêrînên nişteciyan li ser performans û planan diçîhîne şaredarî û Homes for Haringey.

Panelê vê nêzîkê zêdekirina kirê ya 2006an şîrove kiriye – bo şaredarî û hikûmetê – û guhertinên raporên kirê pêşniyar kirine. Ew her weha ji bo pêşanî dayina pêşçavkirina xizmetan li gora nîrx bo pere bûye alîkar û li karmendên pêşniyarkirî bo Homes for Haringey nêrîye.

Panel ê di demeke kin de li plansazîya fîransê ya me û birêvebirîya budçeyê û ku em deynên xwe çawa baş kom dikin (wek yên kirê) binêre.

David Singh, serokê panelê û nişteciyekî Broadwater Farm weha got: “Panela Fîransê awayekî nuh ê tevlêbûna kirêdar û xwedî-lease'an e ku şaredarî û Homes for Haringey kirêyên me çawa serf dikin û em ê seh bikin ku em ji bo perê xwe xizmeta herî baş a mimkun bidest bixin.”

Panela Fîsansê her meh di Sêşema yekemîn seet di 19.00an de dicive. Em bi hatina hemû kirêdar û xwedî-lease'an kêfxweş dibin. Têkilî: Mark Smith li 020 8489 3989 an jî email: [mark.smith@homesforharingey.org](mailto:mark.smith@homesforharingey.org)

## Salnameya civînan

### TÎRMEH

	Tarîx	cîh	dem
Panela Fîsansê	4 Tîrmeh	Civic Centre	19.00
Panela Xwedî-lease'an	6 Tîrmeh	Civic Centre	19.00
Panela Kirêdarî û Birêvebirîya Sîteyan	11 Tîrmeh	Civic Centre	19.00

### TEBAX

Panela Fîsansê	1 Tebax	Civic Centre	19.00
Foruma Şêwirdarîyê ya Nişteciyan	9 Tebax	Civic Centre	18.30
Panela Nişteciyan a Tamîrê	17 Tebax	Civic Centre	19.00

### ÎLON

Panela Fîsansê	5 Îlon	Civic Centre	19.00
Panela Xwedî-lease'an	6 Îlon	Civic Centre	19.00
Panela Kirêdarî û Birêvebirîya Sîteyan	12 Îlon	Civic Centre	19.00

### PÊŞDE

Foruma Şêwirdarîyê ya Nişteciyan	4 Cotmeh	Civic Centre	18.30
Foruma Şêwirdarîyê ya Nişteciyan	30 Mijdar	Civic Centre	18.30

Dibe ku em bikanibin mesrefên lînenîna zarokan bidin û ji bo mirovên ku pêwîstiyên wan ên tevgerînê hene wesayîtan pêşkêş bikin.

Ji bo bêtir agahîyê, ji kerema xwe têkilî li gel fîma Tevlêbûna Nişteci li 020 8489 4463 çêbikin an jî email bişînin bo:

**[resident.involvement@homesforharingey.org](mailto:resident.involvement@homesforharingey.org)**

# Rûpela Probleman a Pam

## Pam awayên çareserîya problema qerebalixîya zêde pêşniyar dike

Ez ji malbatên ku di xanîyên pir qerebalix de rûdinin gelek nameyan distînim. Di bersîva min a nameya ku îro tê dayin de, ez li hinek awayên din dinêrim ku dibê ku Homes for Haringey an Şaredarîya Haringey bikanibe alîkarîyê bike.


Merheba Pam,

Ez û mîrê xwe teva 3 keçên xwe yê 18, 8 û 6 salî di daîreyeke bi 2 odên xewê de dimînin. Keça min a 18 salî xwendekara dîzayna modayê ya BTEC ye, ew heta derengê şevê kar û xebata dersê dike, û êvaran hevalên wê tî ku pev re li muzîkê guhdarî bikin û sohbet bikin – wek ku ciwan dikin. Ew makîneke dirûnê bikar fîne ku pir bi deng e, lê ji bo karê koleja wê pêwîst e. Ji ber vê yekê, me oda xewê ya herî piçûk daye wê. Ev dike ku ez û mîrê xwe odeyê xewê bi keçikên xwe yê piçûk re parve bikin. Ji ber ku di odê dê cîh bi sînore, ez û mîrê xwe li erdê li nivînekî bi betanîyan radikevin û ji bo her keçikekê nivînekî yekane heye. Ji me kesekî re mehremîyet tune û qet cîh tune ku keçikê de bilîzin.

Ev şeş sal in ku ez li cîhekî pev guherîne digerim – ji bûyina piçûka me û vir de – lê qet derfetek çênebû. Ez di nav lîsta transferê ya xanî de me, lê belê ji me re gotine ku hema hema qet îhtîmala daîreyeke mestir tune. Ez dizanim ku mirovên ku di rewşên ji ya me xerabtir de dimînin jî hene, lê belê ez his dikim ku ji ber ku em her du jî dixebitin, baca beledîya xwe ya mehê £160 û kirêya xwe ya heftê £71 didin, divê derfetên barkirinekê ji bo me hebin. Em qet alîkarîyên sosyalê nastînin û kirêya xwe di demê de didin. Ez ê bi hin temîyan gelekî sipasdar bim. Em li ser kirîna daîreya xwe fikirîn, lê bi £203,000an gelekî li ser bihayê xwe bû.

Sipas

Xanim M



### Bêtir agahî

#### Pev guherîn

Pevguherîn ji bo kirêdarên ku dipê ku bi kirêdarekî din ê Haringey, an şaredarîyêke din an jî komeleke xanîyan ên li Brîtanya li derekê dimînin re xanî pev biguherînin e. Divê her du xwedîyên xanî jî pevguherîne belê bikin.

Heke deynê we yê kirê hebe, îhtîmala ku pevguherîna we bê belêkirin pir kême e.

Bêtir agahî:

Ji navenda mişterî ya herêma xwe formeke Xanî pevguherîne (Homeswap) bixwazin. Hun dikanin kitkitên hemû navendên me yê mişterî li rûpel 15 ê Homes Zone bibînin.

*(di rûpelê dû wê de didome)*

## **Bersîva Pam...**

*Xanima Birêz M,*

*Xuya dibe ku malbata we di jîyana li daîra we di dijwarîyê de ye. Lê belê wek ku hun dibêjin, hejmareke mezin malbat hene ku li xaniyên qerebalix rûdinin; ji ber vê yekê tenê di rewşên yekcar xerab de xanî guherandina wan mimkun dibe.*

*Her weha li gora qanûna bixanîkirinê, dema ku nirxanidina malekê wek ku zêde qerebalix e an na tê kirin, oda rûniştinê jî wek odeyeke xewê tê hesibandin; ji lew re malbata we ji aliyê qanûnê ve wek zêde qerebalix nayê hesibandin.*

*Hun dibêjin ku di pevguherîna xanî de hun bi ser neketine. Ofîsa xaniyê we li ser pevguherîna herêmî ji bo kirêdaran heye û kitkitên we lê hatine zêdekirin. Heke partnerekî pevguherînê yê minasib tev li listê bibe, menecerê we yê xanî dê bi we re têkeve têkilîyê.*

*Awayekî din ku Şaredarîya Haringey bikanibe alîkarîya we bike ew e ku keça we ji bo daîrekê bi xwe serîlêdanê bike. Li her rewşê cîhê tê nêrin, ji lew re ez nikanim bibêjim ku ew ê biser keve an na.*

*Heke keça we naxwaze ji we cîhê bibe û ku hun dixwazin malbatê bi hev re bihêlin, hun dikanin li ser xwedîtiya hevpar bifikirin, ji ber ku hem hun hem jî mêrê we dixebitin.*

*Xwedîtiya hevpar alîkarîya mirovan dike ku bikanibin xaniyekî bikin. Mirov dikanin pareke xaniyekî bikin û ji bo yê mayî ku ne aîdî wan e kirê bidin. Serîlêdêr dikanin pêde pêde bêtir par bikin û di dawiyê de bibin xwedîyê xaniyê xwe.*

*Hejmarek xaniyên nuh ên Haringey hene ku komelên xanî ava kirine ku bi awayê xwedîtiya hevpar bînin kirin. Piraniya van xaniyan li Haringey in, lê belê hinek xaniyên firotinê hene ku li navçeyên din in, wek Barnet, Camden, Islington, Westminster û Enfield.*

*Ez hêvî dikim ku ev bûbe alîkar. Heke hun di dîtina çareserîyeke bo rewşa malbata xwe de biser kevin, ji kerema xwe haya min jê çêbikin.*

*Pam*

*(Continued)*

### **Serîlêdana xaniyekî**

Xizmetên xanî yê şaredarîya Haringey dikanin şewirdarîya xanî pêşkêş bikin.

Bêtir agahî:

Websîteya Şaredarîya Haringey:  
[www.haringey.gov.uk](http://www.haringey.gov.uk)

Tîma Şewirdarîya Xanî: 020 8489 4309

Navenda xizmeta mişterî ya herêma we

### **Xwedîtiya hevpar – Çawa dixebite**

Proje dihêle ku hun pareke xaniyekî ji xwedîyê xanî yê civakî bikin, pirê caran ji komeleke xaniyan. Divê hun bi rêya banke an bankeke kooperatîfê mortgage bistînin ku para xwe bikin. Hun para mayî ku ne ya we ye ji xwedîyê xanî yê civakî kirê dikin.

Bêtir agahî:

Websîteya Şaredarîya Haringey:  
[www.haringey.gov.uk](http://www.haringey.gov.uk)

Tîma Stratejîya Xanî:  
020 8489 4721

## Û bêtir

### Peymana me ya Mişterî

Ji bo Homes for Haringey girîng e ku ji mişterîyên me re xizmeteke baş pêşkêş bike. Ji bo bi awayekî minasib kirina vê divê em bi kirêdar û xwedî-lease'an re bi awayekî zelal û hevgerî xebatê bikin.

Ji bo ku ji me re bibe alîkar, me Peymana Mişterî ya Homes for Haringey pêk anîye ku dahîne pêş ku em çî ji hev hêvî dikin.

Me ev rêza standardan bi şewirdarîya karmendên Homes for Haringey û niştecîyên ku tev li civînan bûne pêk anîne, wek Foruma Şewirdarîya Niştecîyan û komên Tirkî û Somalî-axêv.

Dilxweşî ew bû ku şûnve agahîya karmend û mişterîyan pir nêzîkî hev bûn. Ev xuya dike ku em pir nêzîkî hev difikirin. Ji bo her kesî girîng bû ku divê ev peymaneke du-alî be.

Bi kurtî, Peymana Mişterî dibêje ku Homes for Haringey ê xizmeteke dostane û profesyonel a li gora pêwîstîyên we pêşkêş bike, û we agahdar bike. Li hemberî wê, mişterî yê li gora peymanaxwe ya kirêdarîyê tev bigerin, tevlêbûnê bikin û bi şûn ve agahîyê bidin me. Ya herî girîng, karmend û mişterî yê bi rûmet û hurmet bi hev mijûl bibin.

Em his dikin ku Peymana Mişterî ya me dokumenteke watedar e û em wê dikin navenda têkilîyên me û we. Em bawer dikin ku ew ê alîkarîya me bike ku em pev re çêtir bixebitin, û em hêvî dikin ku hun jî weha bawer dikin.

Hun dikanin kopîyeke peymanê ji websîteya me peyde bikin, [www.homesforharingey.org](http://www.homesforharingey.org) an jî navendên me yê xizmeta mişterî.

## fîşeke £50 qezenc bikin

### Li Broadwater Farm rûdinin?

Hez dikin ku fîşeke kirîne ya **£50** qezenc bikin?

Di 18 mehên çûyî de, hemû yelpazeya Xizmetên Mişterî rojên Sêşem û Pêncşemê piştî nîvroj li Ofîsa Taxê ya Broadwater Farm Neighbourhood Office amade bûne.

Ji bo alîkarîya me ku em bizanibin ku niştecî dixwazin ku ev xizmet bidome an na, hemû malên li Farm dê pirsnameyekê bistînin. Em dixwazin ku hun wê tije bikin û ji me re bibêjin ku hun çî difikirin.

Kopîya xwe ya pirsnameyê bipên û gotina xwe bibêjin. Dibe ku hun yek ji du niştecîyên bişans bin ku wê fîşeke kirîne ya £50an qezenc bikin!

# A-Z

## têkiîyên kêrhatî

Ji bo lêpirsînên li ser xizmetê Homes for Haringey tamîr jî di nav de telefon bikin bo **0800 195 3404**  
Mînikom: 020 8489 2088

Duşem: 8.00 – 18.00  
Sêşem: 8.00 – 20.00  
Çarşem: 8.00 – 20.00  
Pêncşem: 8.00 – 20.00  
Înî: 8.00 – 18.00

**Tamîrên acil (dervê seetên xebatê) 020 8348 3148**

**Raporkirina erebên berdayî**  
0845 073 6904

**Şêlên Anfî-sosyal**  
0845 671 1177

**Alîkarîyên Sosyalê**  
0845 071 2800

**Buroya Şêwirdarîya Hemwelafîyan**  
0870 126 4030  
www.adviceguide.org.uk

**Baca Beledîyê**  
0845 073 3557

**Rawestkarên Sûc**  
All calls are anonymous  
0800 555 111

**Xeta germ a Graffî**  
0845 073 1979

**Şaredarîya Haringey**  
020 8489 0000

**Tîma Xwedîfiya Xanî 1**  
020 8489 3048  
(ji bo lêpirsînên xwedî-lease li ser xanîyên li Hornsey, Broadwater Farm û North Tottenham)

**Tîma Xwedîfiya Xanî 2**  
020 8489 5996  
(for leasehold enquiries about homes in South Tottenham and Wood Green)

**Tîma Firotinên Xanî** 020 8489 3357

**Şêwirdarîya bêxanîbûn û xanî**  
0845 076 2700

**Alîkarîya Kirêya Xanî û Baca Beledîyê**  
0845 071 2800

**Xizmetên Demxweşiyê (leisure)**  
020 8489 5396

**Xeta Parkkirinê**  
0845 073 1234

**Îstasyonên Polîsan (herêmî)**  
0208 808 1212

**Tîma Tevlêbûna Niştecî**  
020 8489 4463  
resident.involvement@homesforharingey.org

**Gemar û Avêfî**  
020 8885 7700

**Tamîrên xanîyên sitargeh**  
020 8489 8693

**Xanîyên bi Piştevanî**  
020 8489 2367

**Navendên Xizmetên Mişterî**  
Duşem – Înî, 8.00 – 18.00 vekirî

**Hornsey**  
Broadway Annexe  
Hornsey Town Hall  
Crouch End, N8 9JJ

**North Tottenham**  
639 High Road  
Tottenham, N17 8BD

**South Tottenham**  
(li kêleka îstasyona metro ya Seven Sisters) Apex House  
820 Seven Sisters Road  
Tottenham, N15 5PQ

**Wood Green**  
48 Station Road  
Wood Green, N22 7T

**Ofîsên Xanî**  
Tenê bi randevû.

**Ofîsa Taxê ya Broadwater Farm**  
108c Gloucester Road  
Tottenham, N17 6GZ  
9.00 -12.00 û 14.00 - 16.45,  
Duşem, Sêşem û Pêncşem  
17.00 – 19.00, Çarşem  
9.00 -12.00, Înî

**Hornsey**  
Hornsey Town Hall  
The Broadway  
Crouch End, N8 9JJ

**North Tottenham**  
782 High Road  
Tottenham, N17 0BX

**South Tottenham**  
(li kêleka îstasyona metro ya Seven Sisters)  
Apex House  
820 Seven Sisters Road  
Tottenham, N15 5PQ

**Wood Green**  
13-27 Station Road  
Wood Green, N22 6UW